



# Synfocity = 834

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

March 31, 2022

## ☐ Lay Leaders Training wawi 212-na

Synod Multipurpose Training Centre(SMTC) buatsaih Lay Leaders Training wawi 212-na kharna inkhawm chu March 24, 2022 (Ningani) khan neih a ni.

Training kharna inkhawm hi SMTC Hall-ah neih niin Rev. Lalrinthara, Programme Director-in programme a kaihruai a. Synod Moderator Rev. Dr. Vanlalnghaka Ralte-in thuchah sawiin trainee-te hnenah Certificate a hlan. Trainee-te tana tawngtaisakna Resource person aiawhin Rev. C. Chawngliana'n a hmang a, trainees aiawhin Upa Vanlalphenah'n lawmthu a sawi a, Rev. Vanlaluata, Resource person-in lawmthu a sawi bawk. Kharna hunah hian Ni. Lalremruati Hnamte-in fakna hla sain hun a hmang bawk.

Tun tumah hian Presbytery 4 - Aizawl West I, Aizawl West II, Aizawl Bethel leh Aizawl Hmarchhak Presbytery atangin Kohhran Upa 34 an tel thei a. Training-ah hian Resource person atan Rev. Vanlaluata, Rev. C. Chawngliana, Rev. T.C. Laltlanzova, Rev. F. Lalrinnunga, Rev. Lalrinthara leh Upa Lalsawmliana te hman an ni.

Synod Multipurpose Training Centre hi a din kum, kum 1996 atangin Lay Leaders' Training - Kohhran Upate Training hi kalpui chhoh char char a ni a, SMTC Office record-a a landan chuan tunah hian Kohhran Upa mi 1300 chuang zet training neihpui tawh a ni a, Covid-19 pandemic avangin kum 2019 leh 2020 chhung khan training koh mumal theih a ni lova, tunah hian training tura koh hmabak, Kohhran Upa mi 400 chuang an la awm a ni.

SMTC-ah hian Ministerial training leh Vocational training kalpui a ni a, Vocational training hi kum tluana neih a ni a, tunah hian trade chi hrang hrang 5 neih mek a ni a, kumin July thla hian trade 2, Welding & Fabrication leh Electric Wiring & Repairing hawn thar tur a ni bawk.

## ☐ Synod Mission Board leh ram pawn chet velna

### ◆ Ramthar Campaign

April 2 & 3, 2022 hian Sairang Dinthar Kohhranah Ramthar Campaign nei turin Mission Board Secretary Rev. R. Lalhmingsanga a kal ang.

### ◆ Jharkhand Mission Field

March 27, 2022 (Pathianni) khan ringthar 7 Lal Isua zui turin an inpe.

### ◆ Siliguri Mission Field

Siliguri Field Gospel Team te rawngbawlnaah March 25 & 27, 2022 khan ringthar 20 Lal Isua zui turin an inpe.

### ◆ Home Mission South

March 27, 2022 (Pathianni) khan Bungtlang South Pastor Bial Chakma Convention, Saibawh School-ah neih a ni a, he hunah hian ringthar 26 Lal Isua zui turin an inpe.

### ◆ Home Mission North

March 27, 2022 (Pathianni) khan Home Mission North Area, Thaidawr Pastor Bial chhunga Mualthuum Branch Church-ah ringthar 2 Lal Isua zui turin an inpe.

### ◆ Assam Mission Field

March 27, 2022 (Pathianni) khan ringthar 1 Lal Isua zui turin an inpe.

### ◆ Masihi Sangati

March 27, 2022 (Pathianni) khan Vairengte bul chite phaiah, Kolasib Diakkawn Sangati Pastor James Lalremruata leh Kolasib Venglai Sangati ten Prachar neiin ringthar 11 Lal Isua zui turin an inpe.

Ramthar veng Pastor Bial Masihi Sangati Crusade neih a ni a, March 25, 2022(Zirtawpni) thleng khan ringthar 28 Lal Isua zui turin an inpe.

March 27, 2022 (Pathianni) khan Mission Vengthlang leh Gorkha Gospel Team tawngkawp te nen One day Crusade neih a ni a, he hunah hian ringthar 16 Lal Isua zui turin an inpe a, Vaivakawn Bial Masihi Sangati Inkhawmpuiaah ringthar 11 Lal Isua zui turin an inpe bawk.

□ **KTP**

March 24, 2022 (Ningani) zan dar 8 khan Mission Veng Kohhran Hall-ah Central KTP leh MSACS tangkawp tena an buatsaih HIV/AIDS do nana video clip insiamsiak result puan a ni a, Champhai Vengthlang Branch video clip siam chu a tha bera thlan a ni.

HIV/AIDS Awareness video clip insiamsiak result puan hi NI. Lalngaihzuai, Chaltlang-in a host a, Rev. Dr. K. Lallawmzuala, Executive Secretary i/c KTP-in hunserh a hmang a, Upa Rochungnunga, General Secretary, CKTP chuan thupuan leh lawmthu sawina hun a hmang. Rev. Vanlalmuanpuia Khiangte, CKTP Leader leh Dr. Lalthlengliani, Project Director, MSACS ten thu tawi an sawi a. Programme karlakah hian Mizoram Synod Choir, One in Christ, Israel Pachuau, Bawngkawn Chhim Veng; NI. H. Lalnunsiami, Champhai; B.O.G., NI. Laltharzuai, Republic Vengthlang; NI. Saitluangpuui Sailo, Zemabawk North leh NI. Melody Lalzirliani, Leitan Ramthar te an zai a, Kulikawn Branch ten faklam an entir bawk. Pu Rorelkima, Asst. Leader CKTP-in tanngtaiin result puan inkhawm hi a khar a ni.

Video clip insiamsiakah hian KTP branch 42-in video an thehltu a, lawmman dawngtute chu:

Pakhatna - Champhai Vengthlang Branch

Pahnihna - Dinthar Branch

Pathumna - Champhai Tlangsam Branch

Pakhatna hian pawisa fai Rs. 1,50,000, pahnihnain Rs. 80,000 leh pathumnain Rs. 50,000 bakah memento leh citation an dawng vek bawk.

Chanmari Branch, Chhinga Veng Branch, Dam Veng Branch, Electric Veng Branch, Saitual Branch, Tuahzawl Branch leh Upper Republic Branch te chu Top 10-ah an lang a. Best Actor-ah Tv. Vanlalfaka Hnamte, Chhinga Veng Branch thlan niin Best Actress-ah NI. Laldinsangi, Champhai Vengthlang Branch thlan a ni bawk.

□ **Campus Ministry**

Synod Campus Ministry chuan March 26, 2022 (Inrinni) khan Aizawl khawpui chung leh khawpui daia Pastor Bial 25 atangin Bial aiawh mi pahnih(2) theuh pualin 'Tleirawlte Nun kaihhruai kawnga inzirtirna Symposium' Leitan Presbyterian Kohhran Hall-ah a buatsaih a. Resource Person atan T.Upa Lalthlamuana Ralte, Tuikual leh T.Upa K. Lalengzama, Laipuitlang te hman an ni a, NI. H. Lalremruati, Chanmari hnen atangin fakna hla ngaihthlak a ni bawk. He hunah hian mi 52 an tel thei a ni.

□ **Kohhran Hmeichhia**

♦ Kohhran Hmeichhe Inkhawmpui Lian vawi 49-na thurel 'Synod Hospital, Durtlang Charity Fund atan leh John Williams Hospital, Lunglei tanpui nan Kohhran Hmeichhe Inkhawm tum hnih thawhlawm lak khawm ni rawh se' tih chu a hun atan June 8, 2021 leh July 13, 2021 thawhlehi zan Inkhawm ruat a ni a, amaherawhchu hun ruatah hian hripui avanga inkhawm a remchan tak loh avangin Bial leh Kohhranten an mahni remchan dan angin an thawh khawm a. Heta pawisa tling khawm Rs. 15,02,823 chu Synod Hospital Charity Fun atan Rs 12,02,823/- leh John Williams Hospital tanpuina atan Rs. 3,00,000/- chu Rev. V.L Luaia Hranleh, Executive Secretary i/c Hospital hnenah Pi Lalrinliani, Treasurer leh Lalhmingliani, Finance Secretary ten March 30, 2022 (Nilaini) khan an hlan.

♦ March 23 - 28, 2022 chung khan Lawngtlai-ah LIKBKHP Inkhawmpui hmanpuin Central Kohhran Hmeichhe hruaitute - Pi Sawithangi, Pi Lalroliani, Pi Lalchhingpuui te an kal.

♦ March 28 - 30, 2022 chung khan PCI Working Committee neiin Shillong-ah Inkhawmpui Lian Chairman Pi Sailuti a kal.

□ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Zemabawk East & South	Damlo & In kang	5	Rs. 42,000/-
2.	Falkland East	Khawsak harsa	5	Rs. 40,000/-
3.	Lawipu	Damlo	4	Rs. 32,000/-
4.	Melriat	Accident	1	Rs. 20,000/-
5.	Sairang Dinthar	Damlo	2	Rs. 16,000/-
6.	Phainuam	In kang	1	Rs. 10,000/-
7.	Champhai Kanan	Damlo	1	Rs. 8,000/-
			<b>TOTAL</b>	<b>Rs. 1,68,000/-</b>

- ❑ **MSSU**  
April 2 & 3, 2022 hian Champhai Kahrawt Bial Sunday School zirtirtu training neihpui turin Pu H.K Hmingthanzuala, Asst. Coordinator leh MSSU trainer te - T. Upa Lalthanchhunga leh Upa K. Vanlalnghaka te an kal ang.
- ❑ **Presbyterian English School (PES)**  
Presbyterian English School (PES) hnuai school thenkhat chhan hrang hrang avanga harsa zual School 5 hnenah tanpuina Rs. 1,00,000/- theuh pek a ni.
- ❑ **Hruaina Eng FM Radio :**  
**APRIL 1, 2022 (Zirtawpni) (FM Zoawi - Aizawl & Lunglei @ 7:30 p.m.):**  

<i>Solo</i>	:	V.L Neihthangi - I rinawmna a ropui e
<i>Zaipawl</i>	:	Tuikual Bial Zaipawl - Thian rinawm
<i>Thusawi</i>	:	Rev. Joseph Lalnunmawia - Rinawmna um zel rawh
<i>Solo</i>	:	F. Laldinpuii - Min sawm e
<i>Zaipawl</i>	:	Khatla Bial Zaipawl - Kan ram tidam leh rawh
- ❑ **Susamachar Prasaran Programme :**  
**APRIL 3, 2022 (Pathianni) 5:00 pm. :**  
*Group/Choir/Solo* : Central PYF Choir - Krus Par, *Group/Choir/Solo* : Sumi Z. Kalita - Jisu Tumi hokti diya, *Testimony* : Miss Shibani Chetia, *Group/Choir/Solo* : Hmingtea Tochwawng - Chhoti chhoti, *Group/Choir/Solo* : Chanmari Masihi Sangati - Mukti Dilai
- ❑ **Moderator leh Executive Secretary-te Programme:**  
**Rev. Dr. Vanlalnghaka Ralte : Moderator**  

April 3, 2022	Lungdai Bial - Lungdai kohhran (Chawhma) Sentlang kohhran (Chawhnu) Mission Veng kohhran (Zan)
---------------	--

  

<b>Rev. C. Zoramawia : Senior Executive Secretary</b>	
April 2 & 3, 2022	Silchar
April 5, 2022	Synod Trust committee
April 6, 2022	Pension & Provident Fund Board (PPF)

  

<b>Rev. V.L. Luaia Hranleh : Executive Secretary</b>	
April 6, 2022	Hospital Consultative committee
April 7, 2022	Women Centre

  

<b>Rev. Dr. K. Lallawmzuala : Executive Secretary</b>	
April 3, 2022	Central Jail
April 5, 2022	Synod Partnership te nen meeting
April 6, 2022	Ramthar Education Headmaster te nen meeting
April 7, 2022	MTC Governing board meeting

**D.Th. ZIR TUR ZAWNNA**

Mizoram Synod Theological Education Board chuan a hnuai Department tarlanah te hian kum 2023-2024 Session atanga D.Th. zir tur dilna a hawng a.

Synod mi rawih laite zinga dil duhte chuan **April 8, 2022 (Zirtawpni)** aia tlai lovah a hnuai hming ziaak hnenah dilna theh luh tur a ni. Diltute chuan Theological Education Marksheet leh Medical Certificate thil tel tur a ni ang.

- |   |  |
|---|--|
| <ul style="list-style-type: none"> <li>1. New Testament</li> <li>2. Christian Theology</li> </ul> | <ul style="list-style-type: none"> <li>3. Missiology</li> <li>4. Religion</li> </ul> |
|---|--|

*Sd/-*

Rev. Dr. Tlanghmingthanga  
Secretary  
Synod Theological Education Board

### HRIATTIRNA

Pawl XI leh XII zir tur, kum 2022-2023 session atana Presbyterian Hmeichhe Hostel, Kulikawna awm duh tan May 4, 2022 thleng dil theih a ni a. Dilna form hi Synod Office 1st Floor-ah leh Warden, Presbyterian Hmeichhe Hostel, Kulikawnah lak theih a ni.

Interview : May 6, 2022 dar 11am  
A hmun : Synod Committee Room No. I (Synod Office)

*Sd/-*

Rev. V.L. Luaia Hranleh  
Executive Secretary  
i/c Hmeichhe Hostel

### PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni  
Dil hun chhung : April 26, 2022 (Thawhlehi) tlai dar 3:00 thleng  
Dil thei chin : Class VII passed, kum 16 chin, Kohhran dan chhunga awm  
Interview : April 28, 2022 (Ningani) chawhma dar 10:00  
Class tan hun : May 3, 2022 (Thawhlehi)  
Zir hun chhung : May - August, 2022

Hrechiang duh tan Phone No. **0389-2317343/8296035491**-ah zawhfiah theih a ni.

*Sd/-*

Rev. Lalrinsanga  
Principal  
Presbyterian Bible School

### SYNOD BOOKROOM BOOK NEWS FOR THE MONTH OF MARCH 2022

- |  |           |
|--|-----------|
| 1. <b>Bible Zir Nan Thupui 80:</b> Revd Chuauthuama            | Rs. 350/- |
| 2. <b>Zosaphlua Chanchin:</b> SL&PB                            | Rs. 150/- |
| 3. <b>Operation Nehemia:</b> Rev. K. Rolungmuana               | Rs. 100/- |
| 4. <b>Thuhritu Thlarau Mi Tehkhin Thu Bu 2-na:</b> Pastor Bena | Rs. 300/- |
| 5. <b>Tukthuan Bu 1-na:</b> Bawngkawn Kohhran Pavalai Pawl     | Rs. 200/- |
| 6. <b>Thih Leh A Hnu Lam:</b> Upa Vanlalrema                   | Rs. 130/- |
| 7. <b>Synod Revival rawngbawlna:</b> Rev. K. Rolungmuana       | Rs. 200/- |
| 8. <b>I Ti Thei:</b> P.C. Lalremruati                          | Rs. 200/- |
| 9. <b>Khawvel Indopui -II :</b> C. Lalaudinga                  | Rs. 170/- |
| 10. <b>Chhimbal:</b> B. Hrangthana                             | Rs. 200/- |
| 11. <b>The Tempest:</b> Nununa Renthlei lehin                  | Rs. 100/- |
| 12. <b>A Mid Summer Night's Dream:</b> Nununa Renthlei lehin   | Rs. 100/- |
| 13. <b>Mizo Tawng Inhnial ThinnaTe:</b> Rozama Chawngthu       | Rs. 100/- |
| 14. <b>Forget Me Not:</b> R. Laldanglova                       | Rs. 100/- |
| 15. <b>Hmangaihna Lungkuai:</b> R. Rothangpuii                 | Rs. 150/- |
| 16. <b>Sudden Takes The Trail:</b> P.L. Liandinga lehin        | Rs. 250/- |